



OSCE

Organizacija za sigurnost i suradnju u Evropi (OSCE) najveća je svjetska regionalna sigurnosna organizacija, koja broji 57 država članica. Uspostavljen kao regionalni aranžman u skladu s Poglavljem VIII Povelje Ujedinjenih naroda, OSCE je forum za političke pregovore, s naglaskom na prevenciji konflikta, rad u kriznim situacijama i postkonfliktnom oporavku. Odluke koje donosi OSCE, imaju više politički, nego pravno obavezujući karakter a donose se konsenzusom.

OSCE zauzima sveobuhvatan pristup pitanju sigurnosti, objedinjujući vojnopolitičku, ekonomsku, okolišnu i ljudsku dimenziju sigurnosti. Aktivnosti Organizacije obuhvataju kontrolu naoružanja, mjere izgradnje povjerenja i uspostave sigurnosti, ljudska prava, nacionalne manjine, demokratizaciju, strategije policijskog rada, protuterorizam, kao i ekonomske i okolišne aktivnosti.

Misija OSCE-a u Bosni i Hercegovini: Ko smo?

Općim okvirnim sporazumom za mir u Bosni i Hercegovini, sklopljenim u Daytonu, i potpisanim u Parizu, krajem 1995. godine, kojim su okončane gotovo četiri godine ratnih sukoba, oblikuje se rad Misije OSCE-a u Bosni i Hercegovini. Ovim Sporazumom, OSCE je određen kao jedna od organizacija odgovornih za pružanje pomoći u osiguranju trajnog mira u Bosni i Hercegovini, te, prema tome, implicitno, za pružanje pomoći u oporavku države nakon ratnih sukoba i davanje doprinosa izgradnji stabilnog, sigurnog i demokratskog društva.

Misija OSCE-a u Bosni i Hercegovini: Šime se bavimo?

OSCE i dalje ima značajnu ulogu u jačanju sposobnosti države da uspostavi održivu i stabilnu sigurnosnu i odbrambenu sredinu, pružanjem podrške u uspostavi institucija, udruženja i procesa kojima će biti spriječeni buduća sukobi, ojačano rukovodstvo Bosne i Hercegovine i potaknuto njeno jačanje kao multinacionalne, multikonfesionalne demokratske države. Pored toga,

OSCE je jedan od glavnih promotora izgradnje građanskog društva. Podržava političku reformu i reformu obrazovanja i radi na unapređenju i zaštiti ljudskih prava svih građana BiH.

Misija to postiže, prvenstveno, kroz svojih jedanaest tematskih sekcija i mrežu od četrnaest terenskih ureda u cijeloj državi. Ovakva struktura omogućava OSCE-u da direktno surađuje s građanima i zvaničnicima općina, kantona i entiteta, kao i s onima u glavnom gradu i centralnim državnim institucijama.

Jedanaest tematskih sekcija Misije su: Učešće građana u zajednici, Razvoj i podrška uprave, Podrška radu i promatranje rada Parlamenta BiH, Pravosudna i pravna reforma, Ekonomska i socijalna prava i jednakost, Obrazovanje, Pomoć u ispunjenju vojnopolitičkih obaveza, Kontrola naoružanja, Parlamentarna kontrola nad sigurnosnim sektorom, Izgradnja institucija sigurnosnog sektora i Praćenje međusobno povezanih pitanja u oblasti sigurnosti.



Učešće građana u zajednici

Izgradnja inkluzivne demokratije na lokalnom nivou i rad s lokalnim zajednicama u cijeloj Bosni i Hercegovini na poticanju njihovog stalnog učešća u radu lokalnih organa vlasti

Razvoj inkluzivnih lokalnih organa vlasti, koji priznaju i njeguju različitost, može se postići jedino jačanjem učešća građana u njihovom radu i uzimanjem u obzir mišljenja i stavova svih građana prilikom oblikovanja politika rada lokalnih organa vlasti. Sekcija za učešće građana u zajednici promovira procese i mehanizme, kroz koje su građani sve više u mogućnosti učestvovati u procesu donošenja odluka. Poseban naglasak stavlja se na podizanje nivoa učešća ugroženih i nedovoljno zastupljenih grupa, kao i na jačanje njihovih sposobnosti da pozovu izabrane zvaničnike na odgovornost, kada je u pitanju pružanje najvažnijih javnih usluga.

U okviru inicijative, pod nazivom: *Lokalno je primarno*, Misija surađuje s grupama građana na povećanju njihovog učešća u ekonomskim, društvenim, kulturnim i političkim procesima, koji utječu na njihove živote. Ovim programom potiču se ruralne zajednice, mladi, žene, pripadnici manjina, povratnici i druge populacijske grupe do kojih je teško doprijeti, da pokrenu akcije u korist svojih zajednica i potaknu razvoj dijaloga u cijeloj zajednici.

Školske zajednice, udruženja nacionanih manjina i ostala građanska tijela, redovno pokreću i realiziraju inicijative na promociji učešća na najnižim nivoima. U sklopu ciljnih projekata, Misija posebno podržava povećanje učešća građana u radu općinskih komisija i javnih debata, te povećanje učešća mladih osoba, dobrovoljni rad, izradu općinskih partnerskih projekata, kao i aktivnije korištenje demokratskih regulatornih mehanizama za osiguranje i očuvanje transparentnosti i odgovornosti lokalnih institucija prema javnosti.

Razvoj i podrška uprave

Rad s odabranim općinskim i kantonalnim organima vlasti na poboljšanju efikasnosti, transparentnosti i odgovornosti u radu općinskih i kantonalnih zakonodavnih i izvršnih tijela

Dobra uprava na svim nivoima vlasti od ključnog je značaja za razvoj i rast demokratije u Bosni i Hercegovini. Kroz pokrenutu inicijativu pod nazivom: *Lokalno je primarno*, Misija radi na poboljšanju efikasnosti i odgovornosti u radu lokalnih organa vlasti, kako bi osigurala da općine imaju političku volju i institucijske kapacitete da se pozabave potrebama i zahtjevima svih građana. Misija poseban naglasak stavlja na poboljšanje rada i izgradnju kapaciteta lokalnih organa vlasti, s obzirom na to da općine predstavljaju nivo vlasti koji je najpristupačiji građanima. Putem mreže svojih terenskih ureda, rasprostranjenih na cjelokupnom teritoriju države, Misija stavlja poseban naglasak na poboljšanje rada i unapređenje kapaciteta načelnika, općinskih uprava, općinskih vijeća i lokalnih medija. Misija također nastoji potaknuti snažniji razvoj razmjene znanja i iskustava između općina i suradnju među kolegama kroz međusobno ocjenjivanje i razmjenu najboljih primjera iz prakse.

Misija je aktivna i u oblasti reforme zakonodavstva u oblasti lokalne samouprave, pružajući pomoć procesu usaglašavanja općinskih i kantonalnih zakona sa zakonima donesenim na višim nivoima vlasti. Reforme koje su u toku, u konačnici će omogućiti općinama da efikasnije ostvaruju svoje nadležnosti, a u skladu su i sa postpristupnim obavezama prema Vijeću Evrope. Prilagođavajući svoju podršku konkretnim potrebama u svakom pojedinačnom slučaju, Misija također radi i s odabranim kantonalnim skupštinama i vladama, u nastojanju da unaprijedi njihove kapacitete i na viši nivo podigne njihovu odgovornost prema građanima.



Podrška radu i promatranje rada Parlamentarne skupštine BiH

Rad sa državnim parlamentom (Parlamentarnom skupštinom Bosne i Hercegovine), entitetskim parlamentima (Parlament Federacije Bosne i Hercegovine i Narodna skupština Republike Srpske) i Skupštinom Brčko distrikta BiH, radi unapređenja njihove efikasnosti, transparentnosti u radu i odgovornosti

Efikasna parlamentarna vlast od suštinskog je značaja za tranziciju, kroz koju Bosna i Hercegovina prolazi na svome putu, od provedbe mira, do integracija u evropske i transatlantske strukture. Državni parlament, i parlamenti na nižim nivoima, imaju ključnu ulogu u vođenju BiH ka uspješnom ispunjenju svih zahtjeva u pogledu pridruživanja, a posebno u pogledu usaglašavanja zakonodavstva i približavanja tog procesa građanima. Uvažavajući povezanje obima poslova zakonodavnih institucija tokom procesa integracije, Misija daje svoj doprinos kroz pružanje pomoći institucijama u unapređenju tehničkih i stručnih znanja i sposobnosti potrebnih za njihov efikasan rad. Poboljšanje usluga zakonodavnih organa, okosnica je ukupnog uspjeha procesa integracije.

Službenici Misije također prate plenarne sjednice i sjednice komisija Parlamentarne skupštine Bosne i Hercegovine, Parlamenta Federacije Bosne i Hercegovine, Narodne skupštine Republike Srpske i Skupštine Brčko distrikta BiH, radi promoviranja većeg stepena primjene međunarodnih standarda. Zahvaljujući svom radu sa zastupnicima i službenicima parlamenta, Misija realizira aktivnosti, čiji je cilj povezanje transparentnosti i odgovornosti zakonodavnih institucija, kroz promoviranje učešća građana u zakonodavnom procesu.

Pravosudna i pravna reforma

Promoviranje ljudskih prava i jačanje vladavine zakona

Ustavom Bosne i Hercegovine propisuje se da je BiH demokratska država, koja poštuje vladavinu prava, te da su državni i entitetski organi vlasti dužni omogućiti potpuno poštovanje međunarodno priznatih ljudskih prava i temeljnih sloboda. Provedba ovih ciljeva ovisi o snažnom, efikasnom, nepristranom i neovisnom pravosuđu. Prema tome, Misija OSCE-a svoju pažnju usmjerila je na praćenje rada pravosudnog sektora i zagovaranje, odgovornost za ratne zločine, zaštitu ugroženih osoba, koje nastoje ostvariti svoja prava putem suda, kao i na borbu protiv trgovine ljudima.

Misija OSCE-a nastoji stvoriti uvjete da sve osobe mogu, na ravnopravnoj osnovi, ostvariti pristup sistemu pravosuđa. Važan element rada Misije ogleda se u programu praćenja suđenja, koji se provodi u cijeloj BiH, a koji u središtu zanimanja ima sudsko procesuiranje krivičnih predmeta od početka do kraja, od perioda prije podizanja optužnice, do suđenja i žalbenog postupka, uz posvećivanje posebne pažnje predmetima ratnih zločina, organiziranog kriminala i korupcije, trgovine ljudima i nasilja zasnovanog na spolu, kao i provedbi sankcija za počinjena krivična djela. Rezultati ostvareni praćenjem, korišteni su kako bi bile predložene i promovirane neophodne pravosudne i pravne reforme i pružena pomoć institucijama na svim nivoima u tumačenju konvencija o ljudskim pravima i obaveza koje iz njih proizilaze.

Misija OSCE-a pruža pomoć pravosudnom sektoru, kako bi omogućila da zakoni i praksa rada budu usuglašeni s odredbama Ustava BiH, kao i s međunarodnim instrumentima u oblasti ljudskih prava; da pravosuđe radi neovisno, efikasno i transparentno; da budu zaštićena prava žrtava u postupku; da optuženi mogu ostvariti svoje pravo na pravičan postupak; te da mediji i građansko društvo imaju konstruktivnu ulogu u ostvarenju pravde za sve.



Ekonomska i socijalna prava i ravnopravnost

Promoviranje politike i prakse rada koja odražava poštivanje ljudskih prava, s posebnim osvrtom na ravnopravnost i nediskriminaciju, i jačanje kapaciteta državnih institucija nadležnih za ostvarenje ljudskih prava i građanskog društva

Socijalna stabilnost, socijalna sigurnost i socijalna prava u svakom društvu veoma su tijesno povezana, što se posebno odnosi na društvo koje se oporavlja nakon oružanog sukoba. Misija OSCE-a pruža pomoć organima vlasti na svim nivoima u ispunjenju obaveza koje imaju u pogledu poštivanja, zaštite i ispunjenja ekonomskih i socijalnih prava ugroženih pojedinaca i grupa na progresivan i održiv način, a u skladu s međunarodnim i evropskim standardima u oblasti ljudskih prava. Misija OSCE-a radi s nadležnim organima vlasti na izradi propisa i postupaka koji odražavaju poštivanje ljudskih prava, s naglaskom na propisima o parničnom postupku, te na provedbi presuda suda. Misija također pruža pomoć u radu Instituciji ombudsmana za ljudska prava BiH i akterima u domenu građanskog društva, u nastojanju da razvije njihove sposobnosti zagovaranja i odbrane prava marginaliziranih i socijalno isključenih osoba i grupa.

U oblasti socijalnih prava, Misija OSCE-a radi na eliminiranju sadržaja iz zakona, politika rada i odgovarajućih procedura, koji dovode do pojave neravnopravnosti u domenu socijalne pomoći i socijalnog smještaja, te radi na jačanju kapaciteta davalaca usluga socijalnog zbrinjavanja, radi ostvarenja dugoročne održivosti. Posebno je važno istaknuti da Misija OSCE-a pruža podršku aktivnostima i inicijativama, usmjerenim na ostvarenje održivog povratka izbjeglih i raseljenih osoba, čije je ostvarenje propisano kao neophodno u

Općem okvirnom sporazumu za mir u BiH. Misija OSCE-a svoju pažnju također usmjerava i na unapređenje zaštite i promoviranje prava Roma i ostalih nacionalnih manjina, promovira jednake mogućnosti za osobe s invaliditetom, nastoji umanjiti i eliminirati pojave diskriminacije zasnovane na spolnoj pripadnosti, te na viši nivo podizanja učešća žena u javnom i političkom životu.

Obrazovanje

Promoviranje dobrog upravljanja unutar sektora obrazovanja i inkluzivnih, pristupačnih i odgovornih škola u cijeloj Bosni i Hercegovini

U suradnji s domaćim partnerima, Misija OSCE-a bavi se obavezom BiH da uskladi sistem obrazovanja s međunarodnim obavezama Bosne i Hercegovine, putem reforme obrazovanja i političkog okvira, i putem razvoja inkluzivnijih i pristupačnijih škola. Za promoviranje održivog mira, od ključne je važnosti pozabaviti se korijenima diskriminacije i razdvajanja u obrazovanju, kao posljedicom proteklog sukoba.

Misija OSCE-a teži ojačati mehanizme nadzora i potaknuti građane da aktivno učestvuju u procesu donošenja odluka. Pri izradi projekata, vodi se računa o tome da rad bude usmjeren na obuku i unapređenje kapaciteta školskih odbora, mreža škola, direktora škola i prosvjetnih inspektora. Naponi Misije OSCE-a u postizanju *reforme nastavnih planova i programa* pružaju podršku izradi i uspostavi standarda nastavnih planova i programa, koji će važiti u cijeloj državi, kao i postignutih rezultata, zasnovanih na savremenim ciljevima učenja, kojima se promoviraju inkluzivnost i poštivanje različitosti. Konkretno, projektima Misije OSCE-a pružena je podrška reformi i osavremenjivanju udžbenika iz historije i povećan stepen poštivanja različitosti putem nastave o nacionalnim manjinama u općem dijelu nastavnog plana i programa.



Misija OSCE-a, osim toga, svoj rad usredsređuje na unapređenje kapaciteta vijeća učenika i vijeća roditelja, promovira *vršnja ku medijaciju* kao sredstvo sprečavanja i rješavanja konflikata u školama i radi na jačanju suradnje između svih aktera u školstvu. Misija OSCE-a također pruža podršku obrazovnim institucijama u uvođenju i provedbi *Indeksa inkluzije*, sredstva za samostalnu ocjenu učinka, kojim škole i lokalne zajednice zajedno ocjenjuju i poboljšavaju nivo inkluzivnosti i učešća.

Pomoć u ispunjenju vojnopoličkih obaveza

[Pomaganje BiH da u potpunosti provede svoje vojnopoličke obaveze, koje ima kao država članica OSCE-a, i druge međunarodne vojnopoličke obaveze](#)

Misija OSCE-a u Bosni i Hercegovini pruža pomoć državnim organima vlasti u provedbi normi i principa OSCE-a, zapisanih u različitim OSCE-ovim dokumentima, a ponajviše u OSCE-ovom Kodeksu ponašanja u vojnopoličkim aspektima sigurnosti, OSCE-ovom Dokumentu o malom oružju i lakom naoružanju, OSCE-ovom Dokumentu o zalihama konvencionalne municije i u Bečkom dokumentu o pregovorima o mjerama za izgradnju povjerenja i sigurnosti iz 2011. godine.

Svake godine, države članice OSCE-a budu pozvane da učestvuju u određenom broju razmjena informacija na različite teme, uključujući demokratsku kontrolu sigurnosnih institucija, mjere izgradnje povjerenja i sigurnosti, izvoz oružja i, pored ostalog, upravljanje vojnim zalihama.

Misija OSCE-a surađuje s Ministarstvom vanjskih poslova BiH, Ministarstvom odbrane BiH i Ministarstvom sigurnosti BiH, te s njima podređenim agencijama, u razmjeni informacija, podizanju nivoa svijesti i unapređenju njihovih kapaciteta.

Osim toga, Misija OSCE-a nastavlja održavati tematske

seminare za državne i entitetske zvaničnike o OSCE-ovom Kodeksu ponašanja u vojnopoličkim aspektima sigurnosti i o mjerama izgradnje povjerenja i sigurnosti, te, u suradnji s Ministarstvom vanjskih poslova BiH, održava konferencije na kojima se razmatra koliko se BiH pridržava svojih vojnopoličkih obaveza i predlažu načini za poboljšanje međuagencijske koordinacije u provedbi ukupnih aktivnosti u ispunjenju vojnopoličkih obaveza. Ova suradnja daje mogućnost održavanja *ad hoc* seminara o drugim dokumentima, ili, po potrebi, odlukama OSCE-ovog Forumu za sigurnosnu suradnju.

Promoviranje efikasnog upravljanja vojnim zalihama

Misija OSCE-a promovira i daje pomoć naporima koji su usmjereni na poboljšanje upravljanja bosanskohercegovačkim zalihama vojnog oružja, municije i eksploziva. Ona to čini promovirajući uništavanje, kao preferirani metod uklanjanja viškova vojnog oružja, municije i eksploziva, te potičući poboljšanja sigurnosti i stanja u kome se nalaze njihova skladišta. Ministarstvo odbrane BiH utvrdilo je da oko 40.000 komada oružja i oko 17.000 tona municije predstavljaju višak. OSCE, u suradnji s drugim međunarodnim organizacijama, promovira mišljenje da sav višak municije i veća oružja koje predstavlja višak, ako ne i sve, treba biti uništeno, i potiče BiH da ubrza tempo uništavanja tako što će potražiti, ako je to neophodno, pomoć putem OSCE-a, ili drugih međunarodnih organizacija ili bilateralnih sporazuma.

Kontrola naoružanja

Podrška provedbi subregionalne kontrole naoružanja

Zbog kontinuiranog napretka u provedbi Sporazuma o subregionalnoj kontroli naoružanja, u vezi s članom IV Aneksa 1-B Općeg okvirnog sporazuma za mir u BiH, i procesa prijenosa odgovornosti na strane potpisnice



Sporazuma, Misija OSCE-a podržava liènog predstavnika predsjedavajuæeg OSCE-a za èlan IV tokom priprema i obavljanja njegovih dužnosti, pružajuæi prevodilaèku, logistièku i administrativnu pomoæ.

Parlamentarni nadzor nad sigurnosnim sektorom BiH

Omoguæavanje efikasne demokratske kontrole nad sigurnosnim sektorom

Parlamentarna skupština BiH vrši parlamentarni nadzor nad sigurnosnim sektorom BiH putem parlamentarnog vojnog povjerenika, koji osigurava poštivanje ljudskih prava vojnog osoblja, kao i putem dvije zajednièke komisije, koje imaju zadatak da nadziru politike djelovanja i troškove sigurnosnog sektora BiH. Misija OSCE-a promovira ovlasti, odgovornosti i dostupnost parlamentarnog vojnog povjerenika BiH. Ona takoðer pomaže èlanovima Zajednièke komisije za odbranu i sigurnost i Zajednièke komisije za nadzor nad radom Obavještajno-sigurnosne agencije BiH da poboljšaju svoje sposobnosti u vršenju nadzora nad oblastima za koje je zadužena svaka od tih zajednièkih komisija.

Parlamentarni nadzor osigurava da Ministarstvo odbrane BiH, Ministarstvo sigurnosti BiH, njima podreðene agencije i Obavještajno-sigurnosna agencija BiH (OSA) ispunjavaju svoje zakonske obaveze, ukljuèujuæ poštivanje temeljnih sloboda graðana i svoga osoblja. Zajednièka komisija za odbranu i sigurnost takoðer vrši reviziju godišnjih planova i rashoda institucija u oblasti sigurnosnog sektora. Zajednièka komisija za nadzor nad radom OSA-e obavlja iste poslove u vezi s nadzorom nad OSA-om i takoðer vrši nadzor nad zakonitošæ primjene Zakona o zaštiti tajnih podataka BiH od strane institucija u oblasti sigurnosnog sektora.

Putem bilateralne i regionalne suradnje, èlanovi obje zajednièke komisije usvajaju znanja o sposobnostima,

prihvataju najbolje primjere iz prakse i upoznaju se s izazovima drugih država èlanica OSCE-a u oblasti vršenja parlamentarnog nadzora nad sigurnosnim institucijama. Èlanovi zajednièkih komisija takoðer posjeæuju različite institucije unutar BiH i održavaju sastanke s predstavnicima Graniène policije BiH, zvaniènicima OSA-e i jedinicama Oružanih snaga BiH. Ove posjete pomažu èlanovima komisija u podizanju nivoa svijesti o stvarnim potrebama, problemima i sposobnostima osoba, koje obavljaju razne funkcije unutar sigurnosnog sektora.

Kako bi pokazali znanje koje su stekli i nastavili s radom na pitanjima od interesa za svaku od zajednièkih komisija ponaosob, èlanovi zajednièkih komisija, u suradnji s OSCE-om, organiziraju seminare, sastanke i radionice na odabrane teme. OSCE takoðer pomaže zajednièkim komisijama i njihovom osoblju pružanjem pravne pomoæi i ostalih vidova stručne pomoæi u pripremanju, reviziji i primjeni zakona, koji se odnose na državni sigurnosni sektor.

Unapreðenje kapaciteta institucija unutar sigurnosnog sektora

Misija OSCE-a suraðuje s Interresornom radnom grupom Vijeæa ministara BiH za provedbu Sigurnosne politike BiH, radi podizanja nivoa svijesti o Sigurnosnoj politici Bosne i Hercegovine i promoviranja njene provedbe, radi podizanja nivoa svijesti o potrebi za postojanjem takve politike i promoviranja uspostave i održavanja rada stalnih institucija i drugih resursa neophodnih za tu svrhu. Ona to èini putem voðenja niza godišnjih i ad hoc dogaðaja za zvaniènike i odabrane predstavnike javnog života. Misija OSCE-a takoðer potiee izmjene sadašnje Sigurnosne politike kako bi se uzele u obzir reforme sigurnosnog sektora koje su u toku, i kako bi se pozabavili pitanjima šire sigurnosti, kao što je uloga medija, akademske zajednice, i, pored ostalog, nauke i industrije u sigurnosnim pitanjima. U skladu s tim, Misija OSCE-a takoðer podržava forume za regionalni dijalog radi razmjene najboljih praktiènih primjera pripreme



i rukovođenja intervencijama u slučaju prirodnih katastrofa i katastrofa izazvanih ljudskim faktorom i surađuje s Ministarstvom odbrane BiH i Ministarstvom sigurnosti BiH na interoperabilnosti njihovog djelovanja i njihovih centara za komunikaciju.

U suradnji s Ministarstvom odbrane BiH, Misija OSCE-a održava redovne godišnje strateške vojnopoličke seminare za visoke zvaničnike Predsjedništva BiH, Vijeća ministara BiH, Ministarstva odbrane, Ministarstva sigurnosti, Oružanih snaga BiH, zastupnike i delegate Parlamentarne skupštine BiH, predstavnike medija i organizacija građanskog društva. Cilj ovih seminara je da okupe donosiocje odluka, savjetnike za politiku djelovanja i predstavnike građanskog društva da razmotre proces donošenja odluka od kritične važnosti, kako onih koje utječu na razmještanje zvaničnika BiH u operacijama podrške miru, tako i onih koje utječu na sposobnost države da se kreće ka euroatlantskim integracijama.

Praćenje međusobno povezanih pitanja u oblasti sigurnosti

Misija OSCE-a prati demokratsku kontrolu nad sigurnosnim sektorom BiH. Često se od nje zatraži savjet ili podrška aktivnostima u okviru nekih tema, koje nisu konkretno navedene u njenom početnom mandatu, ali potpadaju pod njen pristup, kojim se potiče sveobuhvatna sigurnost. U takvim slučajevima, Misija OSCE-a koordinira rad s OSCE-ovim Sekretarijatom i Centrom za prevenciju sukoba, kao i s njima podređenim tijelima, kako bi osigurala da OSCE da najbolji savjet i podrži prikladne aktivnosti. Misija OSCE-a svoj rad usredsređuje na četiri oblasti međusobno povezanih pitanja u oblasti sigurnosti: kontrolu granice, borbu protiv terorizma, civilnu zaštitu/rad u kriznim situacijama i specijalna policijska pitanja, uključujući promoviranje spolne zastupljenosti u sigurnosnom sektoru.



Organizacija za sigurnost i suradnju u Evropi (OSCE) radi na uspostavi stabilnosti, prosperiteta i demokracije u svih 57 država članica, kroz politički dijalog o zajedničkim vrijednostima i uz praktičan rad, koji čini trajnu razliku.

Prisustvo Misije OSCE-a u Bosni i Hercegovini

Svojom mrežom od 14 terenskih ureda, Misija OSCE-a u Bosni i Hercegovini pokriva cijeli teritorij Bosne i Hercegovine. Ovako veliko prisustvo na terenu jedno je od ključnih prednosti Misije.

GLAVNI URED

Fra Anđela Zvizdovića 1 t.A
71000 Sarajevo
Tel: +387 (0)33 75 21 00
Fax: +387 (0)33 44 24 79

URED U DOBOJU

Kolubarska bb
74000 Dobož
Tel: +387 (0)53 20 17 00
Fax: +387 (0)53 20 17 10

URED U SREBRENICI

Crni Guber 1
75430 Srebrenica
Tel: +387 (0)56 44 58 70
Fax: +387 (0)56 44 58 80

URED U BANJALUCI

Knjaza Miloša 15
78000 Banja Luka
Tel: +387 (0)51 34 48 00
Fax: +387 (0)51 31 84 78

URED U FOČI

Cara Dušana bb
73300 Foca
Tel: +387 (0)58 22 28 50
Fax: +387 (0)58 22 28 60

URED U TRAVNIKU

Prnjavor 5
72270 Travnik
Tel: +387 (0)30 51 97 30
Fax: +387 (0)30 51 97 40

URED U BIHAĆU

Do 1
77000 Bihać
Tel: +387 (0)37 31 86 70
Fax: +387 (0)37 31 86 80

URED U LIVNU

Bugojanska 6
80101 Livno
Tel: +387 (0)34 85 25 00
Fax: +387 (0)34 85 25 10

URED U TREBINJU

Svetosavska 10
89000 Trebinje
Tel: +387 (0)59 27 26 30
Fax: +387 (0)59 27 26 40

URED U BIJELJINI

Kosovke Djevojke 4
76300 Bijeljina
Tel: +387 (0)55 22 85 20
Fax: +387 (0)55 22 85 30

URED U MOSTARU

Nikole Šubića Zrinjskog 4
88000 Mostar
Tel: +387 (0)36 38 25 50
Fax: +387 (0)36 32 71 18

URED U TUZLI

Solanska 3
75000 Tuzla
Tel: +387 (0)35 32 17 50
Fax: +387 (0)35 28 25 25

URED U BRČKOM

Kantardžića 10
76000 Brčko
Tel: +387 (0)49 23 29 00
Fax: +387 (0)49 23 29 05

URED U SARAJEVU

Fra Anđela Zvizdovića 1 t.B
71000 Sarajevo
Tel: +387 (0)33 75 24 00
Fax: +387 (0)33 75 24 10

URED U ZENICI

Titova 61
72000 Zenica
Tel: +387 (0)32 20 26 00
Fax: +387 (0)32 20 26 10

Organizacija za sigurnost i suradnju u Evropi · Misija u Bosni i Hercegovini
Fra Anđela Zvizdovića 1 · 71000 Sarajevo · Bosna i Hercegovina
Telefon: + 387 33 75 21 00 · Fax: + 387 33 44 24 79 · E-mail: info.ba@osce.org